

庚辰穀雨前一日以爲

靜丞仁兄大人四旬誕辰誌慶

陳寶鋐

拜贈

孟昭崑

弟關維恭拜贈

# 曾文正公全集

第二函  
函六冊

曾文正公奏稿

卷一百一十一 目錄

卷之十一 目錄

添兵助剿景德鎮摺

咸豐九年五月二十六日

調饒廷選防廣信片

李鴻章畱營襄辦片

陳明服闋日期片

覆陳防蜀緩急摺

六月十八日

攻克景德鎮及浮梁縣城摺

六月二十二日

調張運蘭會剿寶慶片

恭報兩路拔營日期摺

七月初六日

覆陳四次 諭旨摺 七月二十五日

謝交部優敘 恩摺 全日

會商大略摺 九月十二日

遵旨悉心籌酌摺 十月十七日

特保賢才請記名簡放摺 全日

請浙江協餉片

李續宜請假片

恭報入皖日期摺 十一月十九日

謝年終 恩賞摺 咸豐十年二月初六日

目疾請假片

謝交部優敘 恩摺 閏三月初五日

覆陳未能舍安慶東下請 簡用左宗棠摺 四月十三日

調張運蘭來皖片

謝署兩江總督 恩摺

五月初三日

通籌全局並辦理大概情形摺 全日

請起用道員沈葆楨摺

全日

察看海漕並保鹽場片

擬設江西糧臺及牙釐局片

催調張運蘭軍片

李元度另募新勇片

奏稿卷十一  
報銷歷年軍需摺

五月初六日

遵旨覆陳並報起程日期摺

五月十七日

預籌三支水師摺

全日

彭玉麟統水師李瀚章會辦牙釐片

請查京倉存米片

請毋分撤鄂軍片

飭吳全美師船赴防江北片

妥籌辦理並擬變通章程摺

六月初三日

恭報行抵祁門日期摺

六月十六日

皖南軍務暫未便接辦片

請畱左宗棠襄辦江皖軍務摺 全日

遵旨調遣水師摺

全日

斟酌進兵兼顧皖南軍務摺

七月初三日

興辦淮揚水師派員先往籌辦摺

全日

黃翼升堪勝淮揚鎮總兵片

平江縣建忠義祠摺

全日

行營采訪忠義第一案片

添兵助勦景德鎮摺

咸豐九年五月二十六日

奏爲楚軍進攻景德鎮逆巢連獲勝仗現在添兵助勦恭摺奏  
祈

聖鑒事竊張運蘭一軍自正月二十八至三月十七等日攻勦情形業經馳報在案三月二十日張運蘭等攻入下李村吉左營及祥字營接應平江三營迎擊回子墓之賊計共斃賊百餘名二十八日張運蘭王文瑞約水師夾擊一由河面攻鎮一進小河收回子墓賊牆陸軍沿河護之破賊卡數重賊黨別出一路直犯平江三營迴合六七次祥字營吉左營馳往策應殺賊百餘賊始奔潰已革皖南道石景芬率各團截擊斃賊四百餘

人我軍亦陣亡十七人自後屢次進攻賊皆堅匿不出四月十四日張運蘭王文瑞約會劉于潯及水師遊擊任星元等乘水漲進攻將沿岸守卡賊轟斃無數內有黃衣賊目五六名惟街口堅卡數重難破兼有一港之隔二十八日復合諸營進攻參將文瑞一軍專防河岸石景芬督團丁分守各隘我軍誘賊出卡用礮山礮排轟當者糜碎立斃數十賊賊遂敗奔是日劉于潯等攻破西瓜洲賊壘江楚兩軍互爲聲援此三月二十日至四月二十八日楚軍攻勦景鎮獲勝之情形也屢據張運蘭等稟報前來臣查鎮賊屢敗勢餒已衰各軍打仗亦不爲不力惟地勢散漫路徑紛歧逆黨多而且穩江楚兩軍相距數十里

呼應不靈臣久欲濟師往勦因湖南永寶被擾防賊回竄故未  
敢將撫州各營調出致南路過於空虛目下湖南賊蹤盡趨西  
路卽派駐撫之湘前營強中營吉字營振宇營岳字營護衛軍  
共五千八百人於五月初九十一等日分起拔營助攻景鎮交  
臣弟曾國荃督率以行與張運蘭劉干淳等面商進取機宜總  
期迅埽逆巢肅清江境現駐撫州者僅撫臣所募之昇字營六  
百餘人又湘後營千餘人蓋劉騰鴻兄弟之舊部撫臣調赴撫  
州交臣爲之整飭者也除劉干淳一軍由撫臣耆齡詳悉奏報  
外所有楚軍連月進攻獲勝及添兵助勦各緣由謹繕摺由驛  
五百里馳奏伏乞

皇上聖鑒訓示施行謹  
奏

調饒廷選防廣信片

咸豐九年五月二十六日

再臣憂淮江西撫臣耆齡來函九江道沈葆楨現擬飭赴本任  
惟廣信係東路要郡景德鎮尙未克復防務不可稍鬆須得威  
望夙著之大員前往接辦擬商調贛南總兵饒廷選赴廣信接  
防等因查饒廷選現已由閩來江臣前因甯都建昌各屬空虛  
擬令該總兵駐守又或酌量緩急令赴贛南本任均經奏明在  
案茲查贛甯一帶賊氛已遠廣信地屬要區自應先其所急卽  
令該總兵率所部閩省兵勇駐紮廣信其信屬防兵均歸節制  
俟景德鎮克復信防稍鬆再行酌量辦理所有現調饒廷選接  
防廣信緣由理合附片陳明伏乞

聖鑒訓不謹

奏

李鴻章畱營襄辦片 咸豐九年五月二十六日

再按察使銜記名道翰林院編修李鴻章咸豐三年正月奉  
旨隨同工部侍郎呂賢基辦理安徽團防嗣經提臣和春安徽  
臣福濟奏畱軍營襄辦一切在事日久懋著勤勞七年九月  
福濟奏報該員丁父憂服闋俟經手事件料理完竣給咨回京  
供職欽奉

俞旨在案該員皖營經手事竣於上年冬閒來江西省母後卽  
欲回京臣因該員久歷戎行文武兼資堪以畱營襄辦昨因添  
兵助攻景德鎮檄李鴻章會同曾國荃等前往督勦理合附片  
奏

聞伏乞

皇上聖鑒謹

奏

陳明服闋日期月

咸豐九年五月二十六日

再臣於咸豐七年二月十一日在江西瑞州軍營聞訃丁父憂  
回籍本年五月十一日服闋例應入

京叩請

聖安茲因辦理軍務不及赴

京謹已遵

制釋服理合將服闋日期附片陳明謹

奏



覆陳防蜀緩急摺

咸豐九年六月十八日

奏爲奉到防蜀

諭旨恭摺覆奏仰祈

聖鑒事竊臣添調五千餘人協攻景德鎮並商派總兵饒廷選換防廣信業於五月二十六日馳奏在案六月初五日承准軍機大臣字寄咸豐九年五月二十一日奉

上諭官文奏探知湖南賊眾勢將入蜀請飭曾國藩帶兵迅赴夔州一摺逆首石達開竄擾湖南大股萃於祁陽與官軍相抗復分竄邵陽新化武岡等州縣據稱該逆蓄謀已久欲逞志於四川由湖南入蜀道路紛歧若由資江沅江遽窺常澧則湖北